



ՄՈՒՐԲ ՅԱԿՈԲ

ՄԹԱԶՆՈՐԴԱՆԻՍՏ ՄԱՅՐ ՄԿԵՂԵՅԻ

Ծաղկաշարի
13 ԱՊՐԻԼ 2025

Կիրակնօրեայ Ընթերցումներ Էջ 1
Ծանուցումներ Էջ 3, 4

ԸՆԹԵՐՑՈՒՄ ԶԱՔԱՐԻԱ ՄԱՐԳԱՐԷԻ ԳԻՐՔԷՆ (9.9-17)

Մեծապէս ուրախացի՛ր, Սիրնի՛ր
բնակիչ, ցնծութեամբ աղաղակէ՛,
բնակիչ՝ Երուսաղէմի. ահա թագաւորդ
քեզի կու գայ արդարութիւն եւ
փրկութիւն բերելու. որպէս հեզութեան
նշան՝ նստած իշու վրայ, դեռ մատղաշ
աւանակի վրայ: Անիկա Եփրեմի
երկրէն պիտի անհետացնէ պատերազմի
կռքերը, Երուսաղէմէն պիտի վերացնէ
պատերազմի ձիերը. պատերազմի աղեղը
պիտի խորտակէ եւ խաղաղութիւն պիտի
յայտարարէ ժողովուրդներուն: Անիկա
իր իշխանութիւնը պիտի տարածէ ծովէ
ծով, Եփրատ գետէն սկսեալ մինչեւ
ծայրերն աշխարհի: Գալով քեզի, Տէրը
այսպէս կ'ըսէ. «Քանի արիւնով ուխտ
կնքեցի հետդ, գերեվարուած քու
եղբայրներդ պիտի ազատեմ անջրդի
անապատին խորերէն: Երուսաղէմ
վերադարձէք, ո՛վ գերիներ, որ յոյսով կը
սպասէք. ահա կը յայտարարեմ, թէ ձեր
աքսորի ժամանակաւոր զրկանքներուն
փոխարէն՝ կրկնապատիկ բարիքներով
պիտի հատուցանեմ ձեզի: Ինծի համար

Յուդեան պիտի լարեմ
աղեղի պէս, իսկ Եփրեմը՝
նետի պէս. զաւակներդ
հեթանոսներուն դէմ
պիտի հանեմ, ո՛վ Սիրն,
եւ քեզ ձեռքիս մէջ պիտի
բռնեմ՝ պատերազմիկ
զինուորի պողպատեայ
սուրին նման»: Այո՛,

Տէրը ինք վերակացու պիտի ըլլայ
անոնց վրայ. անոր նետը փայլակի
պէս պիտի հարուածէ: Տէրը, Ամենակալ
Աստուածը փող պիտի հնչեցնէ եւ
թշնամիներուն դէմ պիտի քալէ՝ մրրիկի
պէս սպառնալից: Ամենակալ Տէրը ինք
պիտի պաշտպանէ իր ժողովուրդը եւ
անոնք պիտի բնաջնջեն թշնամիները
զանոնք պարսատիկներու քա-րերուն
տակ թաղելով. անոնց

արիւնը պիտի խմեն
որպէս գինի եւ անոնց
արիւնով տաշտեր
պիտի լեցնեն, այնպէս՝
ինչպէս կ'ընեն
զոհասեղանին վրայ:
Այն օրը Տէրը պիտի
փրկէ իր ժողովուրդը

այնպէս՝ ինչպէս հովիւ մը կը փրկէ իր
սեփական հօտը. եւ անոնք թանկագին
քարերու պայծառութեամբ պիտի
փայլին Աստուծոյ երկրին մէջ. երկիր մը՝
ամէն բարիքներով ու գեղեցկութեամբ

Այո՛,
Տէրը ինք
վերակացու
պիտի ըլլայ
անոնց
վրայ.
անոր նետը
փայլակի
պէս պիտի
հարուածէ:

Այն օրը
Տէրը պիտի
փրկէ իր
ժողովուրդը
այնպէս՝
ինչպէս հովիւ
մը կը փրկէ
իր սեփական
հօտը...:

լեցու՛ն, ուր երիտասարդները ցորենով պիտի աճին եւ կոյսերը՝ անուշարար գինիով:

**ԸՆԹԵՐՑՈՒՄ ՊՕՂՈՍ ԱՌԱՔԵԱԼԻ
ՓԻԼԻՊՊԵՑԻՆԵՐՈՒՆ ԳՐԱԾ
ՆԱՄԱԿԷՆ
(4.4-7)**

Միշտ ուրախ եղէք Աստուծով. դարձեալ կ'ըսեմ՝ ուրախ եղէք: Բոլորին հանդէպ հեզ եւ ազնիւ եղէք: Շուտով Տէրը կու գայ: Որեւէ բան թող չմտահոգէ ձեզ. այլ միշտ ձեր աղօթքներուն եւ աղաչանքներուն մէջ գոհունակ սրտով Աստուծմէ խնդրեցէք ինչ բանի որ կարիքը կը զգաք, եւ այն ատեն Աստուծոյ խաղաղութիւնը, որ մտքով կարելի չէ հասկնալ, խաղաղ պիտի պահէ ձեր սրտերն ու մտքերը, որոնք Քրիստոս Յիսուսի միացած են:

Բոլորին
հանդէպ
հեզ եւ
ազնիւ
եղէք:

**ԸՆԹԵՐՑՈՒՄ
ՅԻՍՈՒՍ ՔՐԻՍՏՈՍԻ ԱԻԵՏԱՐԱՆԷՆ
ԸՍՏ ՄԱՏԹԷՈՍԻ
(20.29-21.17)**

Երբ Յիսուս եւ իր աշակերտները Երիքովէն դուրս կ'ելլէին, մեծ բազմութիւն մը հետեւեցաւ իրեն: Ճամբու եզերքին նստած երկու կոյրեր, երբ լսեցին որ Յիսուս կ'անցնի, սկսան աղաղակել. «Ողորմէ՛ մեզի, Յիսու՛ս, Դաւիթի որդի»: Ժողովուրդը սաստեց անոնց որպէսզի լռեն, բայց անոնք աւելի բարձր ձայնով շարունակեցին աղաղակել. «Ողորմէ՛ մեզի, Տէ՛ր, Դաւիթի որդի»: Յիսուս կանգ առաւ, իր մօտ կանչեց կոյրերը եւ հարցուց. «Ի՞նչ կ'ուզէք որ ընեմ

«Ողորմէ՛
մեզի,
Յիսու՛ս,
Դաւիթի
որդի»:

ձեզի»: Անոնք պատասխանեցին. «Տէ՛ր, թող մեր աչքերը բացուին»: Յիսուս գլթաց եւ անոնց աչքերուն դպաւ: Կոյրերը անմիջապէս սկսան տեսնել եւ հետեւեցան իրեն:

Երբ Երուսաղէմի մօտեցան եւ հասան Բեթփագէ, Ձիթենեաց լերան կողին, Յիսուս իր աշակերտներէն երկուքը ղրկեց՝ անոնց պատուիրելով. «Գացէք սա դիմացի գիւղը եւ հազիւ այնտեղ մտած կապուած էջ մը պիտի գտնէք իր աւանակին հետ. քակեցէք եւ ինծի բերէք: Եթէ մէկը առարկէ, ըսէք. “Տէրը անոնց պէտք ունի”, եւ անմիջապէս թող պիտի տայ ձեզի»: Ասիկա պատահեցաւ, որպէսզի իրականանայ մարգարէին խօսքը.

“Երուսաղէմի ըսէք.

Ահա քու թագաւորդ քեզի կու գայ.

Անիկա հեզ է, նստած իշու մը աւանակին վրայ”:

Աշակերտները գացին եւ կատարեցին ինչ որ Յիսուս պատուիրեց իրենց: Բերին էջն ու աւանակը եւ իրենց հագուստները անոնց վրայ դրին: Ապա Յիսուս նստաւ աւանակին վրայ: Ժողովուրդէն շատեր իրենց հագուստները կը փռէին ճամբուն վրայ, ուրիշներ ծառերէն ոստեր կը կտրէին եւ կը տարածէին ճամբուն վրայ: Եւ ամբողջ բազմութիւնը, որ թափօրին մէջ Յիսուսի առջեւ էն կ'երթար կամ կը հետեւէր իրեն, կ'աղաղակէր.

... օրհնեալ
է ան որ
կու գայ
Տիրոջ
անունով:

“Օրհնութի՛ւն Դաւիթի
որդիին,

օրհնեալ է ան որ կու գայ Տիրոջ
անունով:

Օրհնութի՛ւն Բարձրեալին”:

Երբ Յիսուս Երուսաղէմ մտաւ, ամբողջ քաղաքը դղրդեցաւ: «Ո՞վ է ասիկա»,

կը հարցնէին քաղաքի բնակիչները. եւ ամբողջը կը պատասխանէր. «Ասիկա Յիսուս մարգարէն է, Գալիլիայի Նազարէթ քաղաքէն»:

Ապա Յիսուս տաճար մտաւ եւ դուրս վնասեց բոլոր անոնք որոնք տաճարին մէջ առուծախ կ'ընէին. լուծայափոխներուն սեղանները եւ աղաւնեվաճառներուն աթոռները շրջեց եւ ըսաւ անոնց. «Սուրբ

“ԴՄ տունս աղօթքի տուն պիտի կոչուի”

Գիրքերուն մէջ գրուած է. “ԴՄ տունս աղօթքի տուն պիտի կոչուի”, մինչ դուք զայն աւազակներու որջի վերածած էք»:

Տաճարին մէջ Յիսուսի մօտեցան կոյրեր եւ կաղեր եւ ան բժշկեց զանոնք: Երբ քահանայապետներն ու դպիրները տեսան Յիսուսի կատարած հրաշքները եւ լսեցին աղաղակը մանուկներուն, որոնք տաճարին մէջ կը գոչէին. “Օրհնութի՛ւն Դաւիթի որդիին”, բարկացան եւ Յիսուսի ըսին. «Կը լսե՞ս ինչ կ'ըսեն ատոնք»: Յիսուս պատասխանեց. «Այո՛, չէ՞ք կարդացած սուրբ գիրքին սա խօսքը, թէ “Մանուկներու եւ կաթնկեր երեխաներու բերնով գովեստ հիւսեցիր”:

Ապա Յիսուս ձգեց զանոնք եւ քաղաքէն դուրս ելաւ՝ դէպի Բեթանիա, եւ հոն գիշերեց:

ԶԱՏԿՈՒԱՅ ԻՒՂԱԳԻՆ

Ս. ՅԱՐՈՒԹԵԱՆ ՏՕՒԻՆ ԱՌԹԻ,
ՎԱՏԱՀ ԵՆՔ,
ՈՐ ՄԵՐ ԲԱՐԵՊԱՇՏ ԺՈՂՈՎՈՒՐՈՒ
ՊԻՏԻ ՉԱՌՈՒԱՅ ՎԱՏԱՐԵԼՈՒ
ԻՒՂԱԳԻՆԻ
ՈՐ ԱՐՏԱՐՈՒՄ ԱՌԻՐԱՏՈՒԹԻԱԲԱՆ:

ՀԻՄՆԱԴԱՆԵՐՈՒՄ ԱՅԵԼՈՒԹԻՄ

Բարեհաճեցէք հեռաձայնել

Արժ. Տ. Գառնիկ

Աւ. Քհնյ. Գոյումեանի.

514 909 5203 թիւին:

ՏՆՕՐՀՆԷՔ

Տնօրհնէք փափաքող ընտանիքները,

թող բարեհաճին դիմել

Տ. Գառնիկ Աւ. Քհնյ. Գոյումեանի,

հեռաձայնելով

514 909 5203 թիւին:

ԱՅԵԼԵԾԷ՛Ք

ԵԿԵՂԵՅՈՅՍ

ԴԻՄԱՏԵՏՐԻ ԷԶԸ

ԵՒ

ԶԵՐ ՀԱՒԱՆՈՒԹԻՒՄ ԵՎ յԱՏՆԵԾԷՔ

(like).

www.facebook.com/

SourpHagopChurchMontreal

ԱՅԵԼԵԾԷ՛Ք ԱՎ

ԵՒ

Ս. ՅԱՎՈՐ ԱՌԱՋԱՌՈՂԱՆԻՍ

ՄԱՅՐ ԵԿԵՂԵՅՈՅ ՎԱՅԵԶԸ՝

www.sourphagop.net



ՍՈՒՐԲ ՀԱԿՈՐ ԱՌԱՋՆՈՐԴԱՆԻՍՏ ՄԱՅՐ ԵԿԵՂԵՑԻ

**Կիրակի, 20 Ապրիլ 2025, յետ միջօրեի ժամը 2:00
Մոնթրեալի Հայ Կեդրոն**

ԶԱՏԿՈՒԱՅ ՃԱՇԿԵՐՈՅԹ

**Տեղեր ապահովելու համար
հաճեցեք հեռաձայնել
Լէօն Արապեանին՝ 514-713-5366
Մուտքի սակ՝ 60\$
5 -12 տարիքի փոքրերու 35\$**

